

5

१०. अश्ववबोधतीर्थकल्पः ।

नमिऊण सुव्वयजिणं परोवयारिकरसिअमसिअरुइं । अस्सावबोहत्तित्थस्स कप्पमप्पं भणामि अहं ॥ १ ॥

सिरिमुणिसुव्वयसामी उप्पन्नकेवलो विहरंतो एगया पइट्ठाणपुराओ एगरयणीए सट्ठिजोअणाणि लंघिअ पारद्धअस्समेहजण्णेण जिअसत्तुराइणा निआसणतुरंगमं सबलक्खणसंपुत्तं होमिउमिच्छिओ । मा अट्ठज्झाणाओ दुग्गइं जाहि त्ति पडिबोहेउं लाडदेसमंडणे नम्मयानईअलंकिए भरुअच्छनयरे कोरिंटवणं पत्तो । समवसरणे गया लोआ वंदिउं । राया वि गयारूढो आगम्म भगवंतं पणमिओ । इत्थंतरे सो हरी सिच्छाए विहरंतो निउत्तपुरि-
 10 सेहिं समं तत्थागओ सामिणो रूवमप्पडिरूवं पांसितो निच्चलो संजाओ । सुआ य धम्मदेसणा तेण । भणिओ अ से पुबभवो भगवया । जहा—पुबभवे इहेव जंबुद्दीवे दीवे^१ अवरविदेहे पुक्खलविजए चंपाए नयरीए सुर-
 सिद्धो नाम राया अहमासि । मज्झ परममिच्चं तुमं मइसारो नाम मंती हुत्था । अहं नंदणगुरुपायमूले दिक्खं पडिवज्जिय पत्तो पाणयकप्पे । तत्थ वीसं सागरोवमाइं आउं परिवालित्ता तओ जुओऽहं तित्थयरो जाओ । तुमं च
 15 उवज्जिअनराऊ भारहे वासे पउमिणिसंडनयरे सागरदत्तो नाम सत्थवाहो अहेसि । मिच्छदिट्ठी विणीओ अ । अन्नया तुमए कारिअं सिवाययणं । तप्पूयणत्थं च आरामो रोविओ । तावसो अ एगो तस्स चिंताकरणे निउत्तो । गुरुआएसेणं सबओवि किरिआओ सच्चाविंतो तुमं कालं गमेसि । जिणधम्मनामएणं सावएणं तुज्झ जाया परमा मित्ती । तेण सद्धि एगया गओ तुमं साहुसगासे । तेहिं देसणंतरे भणिअं—

जो कारवेइ पडिमं जिणाण अंगुट्ठपन्नमिच्चं पि । तिरिनरयगइदुवारे नूणं तेणगला दिन्ना ॥ १ ॥

20 एवं सोऊण तुमे गिहमागंतूण कारिआ हेममई जिणिंदपडिमा । पइट्ठाविऊण तिसंझं पूणउमाढत्तो तं । अन्न-
 दिअहे संपत्ते माहमासे लिंगपूरणपन्नं आराहेउं तुमं सिवाययणं पत्तो । तओ जडाधारीहिं चिरसंचिअं घयं कुंभीओ उद्धरिअं लिंगपूरणत्थं । तत्थ लग्गाओ घयपिप्पीलियाओ जडिएहिं णिइयं पाएहिं महिज्जमाणाओ दट्ठूणं सिरं धूणित्ता सोइउं लग्गो तुमं । अहो एएसिं दंसणीण वि निइयया । अम्हारिसा गिहिणो वराया कहं जीवदयं पालइस्संति । तओ निअचेलंचलेहिं ताओ पमज्जिउमारद्धो तुमं । तेहिं निब्भमच्छिओ—रे धम्मसंकर ! कायर ! अरहंतपासंडीहिं तं विडं-
 25 विओ सि त्ति । तओ सो सबधम्मविमुहो जाओ । परमकिविणो धम्मरसिअं लोअं हसंतो मायारंभेहिं तिरिआउअं बंधित्ता भवं भमिऊण जाओ तुमं रायवाहणं तुरंगमो । तुज्झ चेव पडिबोहणत्थं अम्हाणमित्थागमणं ति सामिणो वयणं सुच्चा तस्स जायं जाईसरणं । गहिआ य सम्मत्तमूला देसविरई । पच्चक्खायं सच्चित्तं । फासुअं तणं नीरं च गिण्हइ । छम्मासे निव्वाहिअनियमो मरिऊण सोहम्मे^२ महद्धिओ सुरो जाओ । सो ओहिणा मुणिअपुबभवो सामिसमोस-
 30 रणट्ठाणे रयणमयं चेइअमकासी । तत्थ सुव्वयसामिणो पडिमं अप्पाणं च अस्सरूवं ठाविअ गओ सुरालयं । तओ अस्सावबोहत्तित्थं तं पसिद्धं । सो देवो जत्तिअसंघविग्घहरणेणं तित्थं पभाविंतो कालेण नरभवे सिज्झिहिइ ।

कालंतरेण सउलिआविहारू त्ति तं तित्थं पसिद्धं । कहं ?—इहेव जंबुद्दीवे सिंहलदीवे रयणा-
 सयदेसे सिरिपुरनयरे चंदगुत्तो राया । तस्स चंदलेहा भारिआ । तीसे सत्तण्हं पुत्ताणं उवरि नरदत्ता-

1 A नास्ति । 2 A महि० ।

अश्वावबोधतीर्थकरूपः ।

२१

देवीआराहणेणं **सुदंसणा** नाम धूआ जाया । अहीअकलाविज्जा पत्ता जुवणं । अन्नया अत्थाणे पिउच्छंगगयाए तीसे **धणेसरो**^१ नाम नेगमो **भरुअच्छा**ओ आगओ । विज्जापासट्टिअतिअडुअगंधे वाणिण छीयंतेणं 'नमो अर-
हंताणं' ति पढिअं । सोउं मुच्छिआ सा । कुट्टिओ अ वाणियओ । पत्तचेयण्णा य जाईसरणमुवगया एसा । दट्ठूण धम्मबंधु त्ति मोइओ । रण्णा मुच्छाकारणं पुच्छिआए तीए भणिअं—जहाऽहं पुवभवे **भरुअच्छे नम्मयातीरे**
कोरिंट^२वणे वडपायवे सउलिया आसि । पाउसे अ सत्तरत्तं महावुट्ठी जाया । अट्ठमदिणे छुहाकिलंता पुरे भमंती अहं^३ 5
वाहस्स धरंगणाओ आमिसं धित्तुं उट्ठीणा । वडसाहानिविद्धा य अणुपयमागएण वाहेण सरेण विद्धा । मुहाओ पडिअं पलं सरं च गिण्हत्ता गओ सो सट्ठाणं । तत्थ करुणं रसंती उवत्तण-परिअत्तणपरा दिट्ठा एगेण सूरिणा । सित्ता य जलपत्तजलेणं । दिन्नो पंचनमुक्कारो । सद्दिओ अ मए । मरिऊण अहं तुम्ह धूआ जाय त्ति । तओ सा विसयविरत्ता महानिबंधेण पिअरे आपुच्छिअ तेणेव संजत्तिएण सद्धिं पट्ठिआ वाहणाणं सत्तसएहिं **भरुअच्छे** । तत्थ पोअसयं^४
च वत्थाणं^५, पोअसयं दवनिचयाणं; एवं चंदणागुरुदारुणं, धन्नजल्लिधणाणं, नाणाविहपक्कन्नफलाणं, पहरणाणं । एवं छसया^६ 10
पोआणं । पण्णासं सत्थधराणं; पण्णासं पाहुडाणं । एवं सत्तसयवाहणजुत्ता पत्ता समुद्धतीरं । तओ रण्णा तं वाहणवूहं^७
दट्ठुं **सिंहलेसर**अवक्खंदसंकिणा सज्जिआए सेणाए, पुरक्खोभनिवारणाय गंतुं पाहुडं च दाउं **सुदंसणा**आगमणेणं विन्नतो राया तेण संजत्तिएण । तओ सो पच्चोणीए निग्गओ । पाहुडं दाऊण पणमिओ कन्नाए । पवेसमहूसवो अ जाओ । दिट्ठं तं चेइअं । विहिणा वंदिअं पूइयं च । तित्थोववासो अ कओ । रण्णा दिण्णे पासाए ठिआ । रायणा य अट्ठ वेलाउलाइं अट्ठसया गामाणं, अट्ठसया वप्पाणं, अट्ठसया पुराणं दिण्णा । एगदिणे अ जित्तिअं भूमिं तुरंगमो संचरइ^८ 15
तित्तिआ पुवदिसाए, जित्तिअं च हत्थी जाइ तत्तिआ पच्छिमाए दिण्णा । उवरोहेण सबं पडिवन्नं । अन्नया तस्सेवाय-
रिअस्स पासे निअपुवभवं पुच्छइ । जहा—भयवं ! केण कम्मुणा अहं सउलिआ जाया । कहं च तेण वाहेण अहं निहय त्ति ? । आयरिएहिं भणिअं—भदे ! **वेयडुपव**ए उत्तरसेट्ठीए **सुरम्मा** नाम नयरी । तत्थ विज्जाहरिंदो **संखो**
नाम राया । तस्स **विजया**भिहाणा तुमं धूआ आसि । अन्नया दाहिणसेटीए **महिसगामे** वच्चंतीए तुमए नईतडे **कुक्कुडसप्पो** दिट्ठो । सो य रोसवसेणं तए मारिओ । तत्थ नइए तीरे जिणाययणं दट्ठूण वंदिअं भयवओ विंवं^९ 20
परमं^{१०} भत्तिपरवसाए तुमए । जाओ परमाणंदो । तओ चेईयाओ बाहिं^{११} निग्गच्छंतीए तुमए दिट्ठा एगा पहपरिस्सम-
खिन्ना साहुणी । तीए पाए वंदिता धम्मवाहिआ अज्जाए तुमं । तुमए वि तीसे विस्सामणाईहिं सुत्सूसा कया । चिरं गिहमागया । कालेण कालधम्मं पवन्ना अट्ठज्झाणपरा इह **कोरिंट**यवणे सउणी जाया तुमं । सो अ **कुक्कुड-**
सप्पो मरिऊण वाहो संजाओ । तेण पुववेरेणं सउणीभवे तुमं बाणेणं पहया । पुवभवकयाए जिणभत्तीए गिलाणसु-
स्सूसाए अ अंते बोहिं पत्ता सि तुमं । संपयं पि कुणसु जिणप्पणीअं दाणाइधम्मं ति । एवं गुरूणं वयणं सुच्चा सबं^{१२} 25
तं दवं सत्तखित्तीए विच्चेइ । चेइयस्स उद्धारं कारेइ । चउवीसं च देवकुलियाओ पोसहसाला-दाणसाला-अज्झयणसा-
लाओ कारेइ^{१३} । अओ तं तित्थं पुवभवनामेणं **सउलिआविहार** त्ति भण्णइ । अंते य संलेहणं दव-भावभेयभिन्नं
काउं कयाणसणा वइसाहसुद्धपंचमीए **ईसाणं** देवलोगं पत्ता । सिरि**सुव्वयसामि**सिद्धिगमणाणंतरं इक्कारसेहिं
लक्खेहिं चुलसीइसहस्सेहिं चउसयसत्तरेहिं च वासाणं अईएहिं **विक्रमाइच्च**संवच्छरो पयट्ठो । जीवंत**सुव्वयसामि-**
अविक्खाए पुण एगारसलक्खेहिं अट्ठावीसूणपंचणवइसहस्सेहिं च वासाणं **विक्रमो** भावी । एसा **सउलिआवि-** 30
हारस्स उत्पत्ती ।

लोइअतित्थाणि अणेगाणि **भरुअच्छे** वट्ठंति । कमेण उदयणपुत्तेण **बाहडदेवेण** **सित्तुज्ज**पासायउद्धारे कारिए तदणुजेण **अंबडे**ण पिउणो पुण्णत्थं **सउलिआविहार**स्स उद्धारो कारिओ । मिच्छहिट्ठीए **सिंधवा**देवीए

1 A धणधरो । 2 A कोरंट० । 3 नास्ति D आदर्शे । 4 A ०द्वहं । 5 'परम' नास्ति B । 6 नास्ति B । 7 A करेइ ।

२२

विविधतीर्थकल्पे

अंडबस्स पासायसिहरे नच्चंतस्स उवसम्मो कओ । सो अ निवारिओ विज्जाबलेण सिरिहेमचंदसूरीहिं ।

अस्सावबोहत्तिथस्स एस कप्पो समासओ रइओ । सिरिजिणपहसूरीहिं भविण्हिं पढिज्जउ तिकालं ॥ १ ॥

॥ अश्ववबोधतीर्थकल्पः समाप्तः ॥

॥ अ० ८२, अ० २० ॥